

義寧州志卷第九

古蹟

龍岡嶺萃繁古艾城馮翊舊宅猶傳西平蓮池遺愛芝臺  
流馨草庵經閣月樓溪亭其人其地惟傑乃靈禹碑殘字  
鳥跡蟲形山邱斷碣奕奕令名匪直陳迹前修是徵志古  
蹟

古艾城 在州治西七十里崇鄉四十九都龍坪岡商為侯  
國春秋時吳公子慶忌出居於艾自漢以後為艾縣隋開  
皇元年省入建昌今城故址猶存

西平城 在州治西一百四十里西鄉七十二都後漢書鄧  
通西平入即此地也有故城遺蹟及鄧通宅基存焉 按  
寰宇記稱吳太平二年以臨汝為郡於郡南更置西平縣

義寧州志

卷九

古蹟

四百三十四

而此西平為漢所立與臨川原不相混也

西安城 在州西十里高鄉三十六都古今志云漢獻帝建  
安中置隋開皇元年廢 按今縣之高鄉西安里即故西  
安縣治吳朱然封西安鄉侯即此

鄧通故宅 在西鄉七十二都近西平故城子姓尚有居其  
址者 劉氏拾遺

吳猛故宅 在奉鄉南有東津山其側丹霞觀是吳猛故宅  
亦名吳仙里 名勝志 猛宋封神烈真人

黃山谷故宅 涪翁先世居修水後乃遷於雙井在州西其  
南溪心有二井土人汲以造茶為草茶第一傍有釣亭從  
父黃襄所築有手書釣臺二字鐫石下有水一泓題曰明

月灣 名勝志

按山谷作叔父和叔墓碣云祖元吉始宅於修溪之上蓋言脩水口也距雙井二十餘里名勝志統言修水然雙井亦修水也當從山谷文始晰

祝編修故宅 在奉鄉宏濶開爽為仙里壯觀今半為客民

鳩居草蔓烟荒遺蹤猶多可指 按王元堵天發題謝坊

新居壁云曩祝太史文甫嘗築書房其中衣冠文物雄視

諸村余居適踵其趾則在元為祝編修宅在明又嘗為王

孝廉宅矣

章杭山故宅 在高鄉杭山下石橋西去里許今為張姓所

居

冷學士故宅 在西鄉泰清冷覺齋大學士建後為崇祠

舊志訛載梅福宅引太平寰宇記在州東北三里接開元觀東西池書堂餘址尚存按梅福為南昌尉州東北言洪州也且樂史撰寰宇記在宋真宗時此時寧州尚名分寧縣

義寧州志

卷九

古蹟

二 四百八十

光祿第 宋余良肱建在城北迤西

祝編修第 元祝彬建在城西祝家巷

五馬第 明查仲道建在義井巷西側

尚書第 明周期雍建在秀水溝西即方用謙御史第故址

太常第 明周希令建門首有翰垣清卿四字門生文震孟

題現存在州西丁田里

孝子第 在州治鳳麓之下明孝子查孟泰建

芝臺書院 在崇鄉四十一二都

櫻桃書院 在崇鄉四十五六都宋黃中理築芝臺櫻桃二

館以延四方學者宋郊宋祁並至焉

徐忠愍書院 在奉鄉書堂山去大里左側不一里故址猶

存山下基宅成田僅存舊井居民嘗汲水於其中

流芳書院 在奉鄉流芳墩宋祝林宗建元御史朶兒不花題額

山泉書院 在州治北社稷壇西嘉靖甲午知州蔣芝奉詔集眾創建內有習禮聽樂句讀書算四廳兩邊各建號房署後為鳳山書院隆慶中知州黃誥又立敬義文會所萬歷中知州陳以忠改為分守道署會所遷於濂溪書院

鳴陽書院 在延安寺後陳存之所築藏有世德錄過庭訓參前堂 在州西仁鄉前堂面竹竹外修溪溪以南幕阜山

重疊無際後堂北桃李皆數十尺盛夏綠陰可愛名堂之義山谷云取立則見其參於前耳奉新胡直孺有詩右山谷全

書及注

肥民堂 求瘼堂 靖共堂 俱在州牧署內宋知分寧縣

義寧州志

卷九

古蹟

三四百

蕭從建山谷為作三堂銘輿地紀勝

禮賓堂 在奉鄉大里明新昌表都督彬微時客大里王氏留款數日後彬從英宗北狩歸以功貴顯書禮賓堂三字旌王氏至今子孫寶懸祖堂

追遠堂 在高鄉石觀宋章庭建徐忠愍禧嘗題其壁山谷過宿書其後山谷集

永思堂 黃氏所築初在雙井後遷鳳凰山

靈壽臺 靈椿臺 俱見黃山谷詩遺地莫攷

懇孝堂 在孝友巷內明查孟富建周季麟有記

聽月樓 在西鄉泰清冷覺齋學士宅後有聽月樓詩入藝

文

勅書樓 在聽月樓前冷覺齋學士建

一經樓 在西鄉上源沙坪元翰林余復卿既第即歸養親築一經樓訓子弟來學者越千里樂平朱克升為之記今故址猶存右劉寧拙拾遺

環翠樓 明陳以蘊建在羅家塢基石尚存今謂金華寺址非全上

藝樹臺 在崇鄉洞上山谷讀書處石磴齒齒古木千章一水澄澈可鑒洞上徑僻小塢內有八峯藏龍三洞深不可測芟湖頭高數十丈湖在嶺頭有屋有田其官塘櫻桃洞實竹源諸遺蹟皆可尋舊傳山谷洞中八景詩曰門庭藝樹接天荒洗硯池留翰墨香霧散八峯仙鶴舞雲迷三洞老龍藏雨添新水芟湖漲風過官塘夜月光日煖櫻桃花富貴烟成實竹色蒼蒼雖不類涪翁本色語以紀實固當

義寧州志

卷九

古蹟

四

四百五十八

分別觀之全上

森爽臺 宋黃大臨建在鳳凰山下

會仙亭 在奉鄉吳仙里去丹霞不遠中有昇仙街故址猶存

涪翁亭 在旌陽山麓濂溪書院側萬歷丙申史僉憲旌賢即舊址重建俯瞰修水為一州勝觀舊州志及劉氏拾遺今亭為書院之前

羨魚亭 宋徐德占築書院於故基黃山谷詩云學書但學溪老鶩讀書可觀樵父歌紫髯將軍不復見空餘巖桂綠婆娑

秀江亭 俯瞰脩水宋分寧隱士吳叔元建黃庭堅嘗訪叔元登亭題壁云崇寧元年四月己未朝奉郎新當塗太守黃庭堅來訪叔元晚登秀江亭澄波古樹使人得意於塵

埃之外併作詩紀其幽閒之勝

冠雲亭 在南山宋黃庭堅題額

一翠亭 在南山宋分寧知縣趙崇和建

釣亭 在雙井側宋黃襄築

逸老亭 在雙井宋黃氏築

醒心亭 在城南

邀月亭 在城西

問春亭 在泰市旌善亭即其地

杏苑亭 在杏苑水濱宋蘇軾詩云繁花影浸碧波紅苑似

桃源勝境中不獨杏壇春晝永斯亭今亦繼遺風

桂香亭 在州西黃龍院側宋黃庭堅嘗遊此與靈源師論

禪有時聞一陣木樨香之句後人因以名亭明一統志

義寧州志

卷九

古蹟

五百八十

義民碑亭 在三王巷查氏歸樵所建胡儼有記

來蘇亭 在下武鄉羅大經鶴林玉露載修水深山間有小

溪其渡曰來蘇蓋東坡訪子由於高安過此後人建亭焉

溪亭 宋高至言築黃魯直有詩併序曰高至言築亭家圃

以奉親總其觀覽之富命曰溪亭乞余賦詩余先君做廬

望高子所築不過十牛鳴故余未嘗登臨而得其勝處詩

云逸人生長在林泉更築亭舉名意在明月清風共一家

全以山川為眼界鳥度雲行閱古今溪濱木末聽虛籟老

夫平生行樂處只今許公分一派

南昌府志因州志列休亭賦於藝文遂標休亭為州古蹟按賦為清江蕭濟父作故序中有清江之上王筍諸

山等語而自稱豫章黃某則休亭不當列入分寧古蹟也

尊經閣 在州西南二百里上武鄉宋吉州同知帥天麟建

虞伯生為之記詳州志藝文

雲巢 在雙井宋黃公準字稚川魯直弟也志趣高明嘗於櫻桃洞結茆木杪號為雲巢居士

放隱齋 宋黃序建在州治西紫陽溪後小馬鞍山序自為詩寄姪庭堅一時朝士和篇甚多張文潛集有和篇末云平生未識面試作阿咸看即為山谷求和祖善詩韻也

青青軒 宋信州判官余彥倫建元祐七年中秋日黃魯直見彥倫子天任早慧因字以莘老為作說於是軒舊州志及山谷

別集

寅庵 在雙井寅山之巔長林巨麓危峯四環泉甘土肥宋黃大臨結茅以居命曰寅庵有詩詳藝文

鳳山草庵 都御史周季麟築為藏修之所諸名公多題咏

義寧州志 卷九

古蹟

六 四百五十

洗煩居 在屏津南岸明陳以朝宦歸避囂於此故榜曰洗煩

百花莊 在武鄉三灘前朝劉德洪因賑饑奉勅賜尚有方竹移植各菴寺是其遺種

雙井 在州治西十五里名勝志誤云三十里高鄉二十八都山谷居此南岸溪心有二井上井深四丈下井深六丈沙石過而不入土人汲以烹茶絕勝他處又取其水製茶味勝龍團

愛蓮池 在州判署側按周濂溪先生年表任分寧主簿在康定及慶歷初作愛蓮說在嘉祐八年五月判虔州時去分寧將二十年不必官分寧日即嘗鑿池種蓮也然朱子守南康亦寓其名於後圃臨池之館而刻其說置壁間則

義寧州判官署之有愛蓮池固亦景仰前徽者所不廢耳  
筠陽池 在儀翔宮後

九曲池 相傳為戴復古遺址在仁鄉水源有石方廣四丈  
其平如掌於石上鑿成溝縱橫屈曲如篆石近水放水入  
石可以流觴賦詩東西枇杷園蹟尚存

龍安寨 在州西九十里仁鄉五十六七都宋黃介保障

古陽寨 在武鄉一百六十里逍遙山元胡宗武拒賊保障

定江寨 在州治西南一百五十里武鄉二十三都元末巡

檢劉儼保障

杉市寨 在州西一百里仁鄉五十六七都

仁和寨 在州東三十里太鄉六都元末土人陳文顯保障

中峯寨 在州西南四十里武鄉二十六都元末周天與保

義寧州志

卷九

古蹟

七百五十五

障

黑石靖 在奉鄉千秋觀

按西山十二真君傳許真君既除海昏巨蟒於經行之  
處皆留壇井凡七處通候時之地為七其勢布若星斗  
之狀蓋以鎮弭後患謂進化靖御奏靖丹符靖華表靖  
紫陽靖霍陽靖劉真靖後皆為宮觀千秋觀在宋宣和  
二年始賜額此地本名黑石靖許旌陽所置也有新吳  
劉真君煉丹於此旌陽因逐老蛟道脩水望山中紫氣  
物色得之相與為友故又稱劉真靖

龍窟 在仁鄉五十八九都相傳旌陽逐蛟至此蛟欲作洪

水旌陽仗劍立水中至今池中一坻雖春漲四溢而坻不  
沒地距龍坪岡不遠土人呼為龍窟

南崖薜荔 在州治南其根大如栲栳懸崖穿穴而生菁蔥

可愛秋深結實黑如漆兒童佩之可以避邪相傳為山谷  
手植

章杭山手植樹 杭山四世祖龍坡居士墓在杭口對岸山  
左有杭山手植樹不知何名高數丈大數十圍樹半空衆  
木寄生其上春夏枝葉扶蘇有大如梧葉者小如茶葉者  
長如柳葉三叉如楓葉者中有冬青二株大尺圍有蠟樹  
二株綴其旁如一樹然里人戒不敢伐

倒掛杏 在安鄉清涼山有七星井其瀑布泉濺珠噴沫山  
下關帝廟前有銀杏一株大數十圍高十餘丈不知何代  
物有巨極斷折倒掛樹中每歲開花結實無根而生

### 金石

幕阜山禹王碑 晉葛洪幕阜山記云山有石壁刻銘上言  
禹治水登此山畢秋帆金石遺編云禹碑在葛仙翁石室  
之上其刻銘曰帝曰吁汝民艱哉藪乃蛇龍咨爾童律逞

義寧州志

卷九

古蹟

八

四百八十六

西逞東天維即止奠欽厥功餘數十字不可識

黃龍山龍湫 豫章古今記艾縣輔山有龍湫輔山即黃龍  
山龍湫在山頂石壁刻湫池得道石馬龍王八字字大徑  
尺

後唐周鑿進龍馬表碑 在崇鄉五十四都塘灣後唐清泰  
元年周鑿於此見龍馬表表列藝文而獻之廢帝後馬入宋太  
祖營識者以為宋瑞焉乾隆中土人於龍馬塘中取魚遂  
得此碑字皆完好

南山順濟龍王廟碑 元豐癸亥黃庭堅撰文併書後有淳  
熙己亥五月一日戊午魯國祝住持僧正弼名蓋鈞摹刻  
石之人也久汨於水康熙壬辰夏五月鄉人得於南山崖  
下河中今在南山寺



按沈括夢溪筆談云熙寧中王師南征有軍伏數十船  
沿江而南自離真州即有一小蛇登船船師識之曰此  
彭蠡小龍也當是來護軍伏耳船乘便風日棹數百里  
未嘗有波濤之恐有司以狀聞詔封神為順濟王

熙寧丙辰修寶山院記碑 在西鄉七十三都監分寧縣鹽

酒稅余公弼撰文知分寧縣尉孫大觀書知分寧縣事兼

兵馬都監張偓佺篆額

雙井碑 高二尺許鐫雙井二字山谷書 在明月灣山腰

明月灣 三字從橫五寸鐫雙井路旁石壁灣字為樵子剥

落明月字尚存彷彿

雙井釣臺 上有釣磯二字旁注山谷老人書其石為里人

鑿去今現存

去釣臺不數武崖壁鐫有詩 字大如碗時代姓名俱不可

攷詩詳藝文

義寧州志 卷九 古蹟 九 四百七十六

釣磯 玉溜石 積雪石 俱在南山崖下河干俱黃山谷

題

徐禧晦堂大師開堂疏碑 字畫勁瘦舊在黃龍山寺中今

失

山谷銅雀瓦硯 乾隆初江州崔進士謨得於京邸縱一尺

橫五寸缺一角貯水中作古銅色內鐫建安七年造數字

製甚樸周圍篆文識者辨為維曹氏西陵之陶瓦湮伏千

齡深川而出逢世清明其屋歌舞除風雨初不知為翰墨

主不有君子長與甕為伍艾城王文叔為洛州守得於深

山止工 二字疑 予銘文叔之墓故文叔之子申以為硯而

歸予雙井黃庭堅志按康熙庚申州志選舉表宋皇祐癸

巳進士王純中授朝奉郎知洛州文叔當即純中字山谷

全書別集有雀臺硯銘其上有當字屋作貯除作蔽知作  
期主下有嗚呼二字銘後跋云分寧王文叔為洛川守得  
此於千仞之淵以昇子子申以為硯雙井黃庭堅銘尤與  
劉氏所著異山谷全書掇拾於後世文叔墓銘莫傳正集  
第二十一卷王良翰行莽銘末云艾王君申當即文叔子  
以硯歸山谷者別集謂子申以為硯文義費解且文叔山  
谷同為分寧人艾城雙井就其居址較異者別稱跋首分  
寧二字便舛至洛訛為洛州復訛為川帝虎魯魚固無足  
訾矣 萬和圃官京師時得瓦硯於水部閻紫岩瓦上狹  
下豐剝其腹為池兩旁刻銘詞為籀文池之下有小篆跋  
中三行漫滅不可識核與山谷集所載互有異同瓦長八  
寸厚一寸與前所載瓦硯差合而背有隱起建安十五年

義寧州志

卷九

古蹟

十 五百十二

造六隸字與建安七年造不符耳

東坡小有洞天石 石下作一座子中藏香爐引竅正對岩  
岫間每焚香則烟雲滿岫在豫章郡山谷家其家珍重嘗  
與告身同置一篋 都元敬鐵網珊瑚

丹霞墨跡 在秦鄉清水巖右流芳原左其石巉巖高逾千  
尺一面平正若列屏元余存耕嘗墨書其上曰仰之彌高  
鑽之彌堅民具爾瞻為傲萬年十六大字雖未鐫刻而自  
元迄今三四百年墨跡尚隱隱可見

銅鼓石 上鐫潘周過化四大字縱三尺橫二丈方正楷字  
不知何人筆又試劍二字縱橫方丈又古詩一首詳州志  
藝文後書征西將軍鄧子龍書按征西將軍之稱當係後  
人託名 潘周謂巡撫潘季馴僉事周思敬

仙羊寨山 鄧子龍詩字大徑寸石刻猶存在武鄉二十四都右劉氏拾遺

張東白重修山谷瑩祠碑 在雙井

大江東石刻 字大如碗筆勢軒翥碑舊在雲巖寺康熙初入徐牧署後遂佚 劉氏拾遺

湖洞仙境 在泰鄉湖洞山上有擘窠書字徑八尺為打瓦禪師題

黃庭堅戒石銘 山谷書現存宋史高宗時詔頒黃庭堅所書戒石銘於天下郡縣其詞曰爾俸爾祿民膏民脂下民易虐上天難欺蓋取蜀主孟昶文而庭堅嘗書之也

翠雲洞石刻 洞在黃龍寺右山阿石刻云張顏幾黃叔豹叔敖楸來謁長老清公時堂中有衆五百人建炎巳酉二

義寧州志

卷九

古蹟

十一 四百三十九

月甲子韓駒駉馳來遊字全似山谷蓋韓子蒼書也

靈源 黃龍寺前靈源橋左石鐫靈源二字距十數武山麓鐫黃龍山三字字大徑尺俱山谷書

撐石 石在仁鄉六十五都屹臨幽壑方廣數丈上鐫南無阿彌陀佛六大字旁刻景定甲子書法極工不知宋時何人書也

金雞洞 武鄉二十七都路旁絕壁鐫金雞洞三大字字徑數尺欸兵備使者晉安延論書書法遒勁大似顏柳冷方叔神道碑 元禮部尚書元明善撰文集賢學士趙孟頫書丹平章政事李世延篆額碑尚存二百餘字

邱墓附

楊卿墓 分寧縣有塚青石為槨制度非常號楊卿墓世遠

莫知其人 豫章志

按唐書楊慎矜傳父隆禮開元初為太府卿時御府財物羨積如邱山隆禮性詳密出納雖尋尺皆自按省凡物經楊卿者無不精麗歲常愛省數百萬據此則世稱楊卿墓或即隆禮未可知也蓋楊卿別無所見惟見於慎矜傳中

黃瞻墓 在崇鄉白土宗教寺前乾隆二十二年立有墓碑

黃注墓 在董坊崇鄉四十一二都見歐陽公集

黃廉墓 在高鄉臺源樞密直學士劉奉世誌銘山谷詩注

及行狀

徐禧墓 在泰鄉安平港梅嶺 按宋史禧死永樂城後塋衣冠於此

黃庭堅墓 宋崇寧四年山谷卒於宜州貶所年六十一大

觀三年蘇伯固護其喪歸塋雙井祖墓之西明宏治十六

年都御史林俊增修之為置祀田二十一畝載於籍

義寧州志 卷九

古蹟

十三 四百八十六

黃叔敖墓 在雙井山谷墓側碑尚存

冷應徵墓 勅塋昌江龍門

余良肱墓 在洪州西山龍泉寺前

余夔墓 在噪曲灘

黃雷墓 在雙井水心葉適銘曰其文也驚其情也鶴雖競

於善而實無作魯直之宗百年再振雙井有名為子復新

章明揚墓 在分寧黃庭堅誌銘 載省謝志

章鑑墓 在高鄉三十八都佛塔壠

盧鑑墓 在仁鄉六十一都黃沙市

按宋史鑑字正臣金陵人舉進士不第授三班奉職真宗朝累官至西京左庫使恩州刺史為環慶路都監後使秦州卒其子儒相攸罷湘徙居分寧迎輻歸塋爰補列邱墓中丁已舊志補遺年代官爵俱誤至云由奉新僑寓寧之仁鄉尤與宋史本傳不合

祝彬墓 在奉鄉十六都道者寮

胡敬方墓 在武鄉二十八都白楊坳立有神道碑

周彦中墓 在力田夏言撰墓誌銘

周季麟墓 在逸山楊一清撰神道碑

周季鳳墓 在屏津楊一清撰神道碑

石彥誠墓 在彭橋之原

查孟常墓 在來蘇

周期雍墓 在官墩黃土灣

查仲道墓 在來蘇嘉靖時御書兩朝忠節勅建坊於墓前

陳 郇墓 在黃田張元禎撰碑

陳思忠墓 在梁塘

查兆胤墓 在薰衣坳上

義寧州志

卷九

古蹟

十三 三百三十八

陳存之墓 在州治西羅家窩

冷自誠墓 在奉鄉大里

周希令墓 在武鄉三十三都譚家埠躍龍山

余學賢墓 在杭口梨埠港馬欄塘

周必強墓 在武鄉征村

萬 仁墓 在仁鄉禪林寺前

按萬牧雲南建水州人崇禎末知分寧值闖寇亂多方撫綏順治三年因發粟賑民事失位家數千里不得歸卒塋於是

周孔從墓 在崇鄉寒水

徐文幹墓 在泰鄉安平港獅坳

萬承風墓 在安鄉長茅蘆花塢

志曰詩詠甘棠勿剪勿伐思召伯者愛及其樹矧昔賢邱

壟邪爰采令聞令望傳於其鄉者表而出之後之君子不  
思砥行立名坐令與草木同腐朽非夫矣

義寧州志

卷九

古蹟

十四  
六十

義寧州志卷九終